

Забидий / ВАҲИЙНИНГ БОШЛАНИШИ КИТОБИ / 1463-ҳадис

1463/3570 – عَنْ أَنَسٍ رَضِيَ اللَّهُ عَنْهُ يُحَدِّثُ عَنْ لَيْلَةِ أُسْرِي بِالنَّبِيِّ ﷺ مِنْ مَسْجِدِ الْكَعْبَةِ: جَاءَ ثَلَاثَةٌ تَفَرَّقُوا قَبْلَ أَنْ يُوحَى إِلَيْهِ، وَهُوَ نَائِمٌ فِي مَسْجِدِ الْحَرَامِ، فَقَالَ أَوُّهُمْ: أَيُّهُمْ هُوَ؟ فَقَالَ أَوْسَطُهُمْ: هُوَ خَيْرُهُمْ، وَقَالَ آخِرُهُمْ: حُدُوا خَيْرُهُمْ. فَكَانَتْ تِلْكَ، فَلَمْ يَرَهُمْ حَتَّى جَاءُوا لَيْلَةَ أُخْرَى فِيمَا يَرَى قَلْبُهُ، وَالنَّبِيُّ ﷺ نَائِمَةٌ عَيْنَاهُ وَلَا يَنَامُ قَلْبُهُ، كَذَلِكَ الْأَنْبِيَاءُ تَنَامُ أَعْيُنُهُمْ وَلَا تَنَامُ قُلُوبُهُمْ، فَتَوَلَّاهُ جَبْرَيْلُ، ثُمَّ عَرَجَ بِهِ إِلَى السَّمَاءِ.

1463.3570. Шарийк ибн Абдуллоҳ ибн Абу Намирдан ривоят қилинади:

«Анас ибн Молик розияллоҳу анхунинг Набий соллаллоҳу алайҳи васалламнинг Каъба масжидидан сайр қилдирилган кечалари ҳақида бизга бундай сўзлаб бераётганини эшитганман: «У зотга ваҳий юборилишидан олдин уч нафар киши келди. У зот Масжидул Ҳаромда ухлаётган эдилар. Уларнинг биринчиси: «У буларнинг қайси бири?» деди. Ўртадагиси: «У буларнинг энг яхшиси», деди. Охиргиси: «Буларнинг энг яхшисини олинглар», деди. Шу бўлди-ю, уларни бошқа бир кечада, қалблари кўрган онда келмагунча кўрмадилар.* Набий соллаллоҳу алайҳи васалламнинг кўзлари ухлар, қалблари эса ухлмас эди. Анбиёлар шундай бўлади, уларнинг кўзлари ухлайди-ю, қалблари ухламайди. Сўнг Жаброил у зотни олди-да, кейин осмонга олиб чиқиб кетди».

* «Қалблари кўрган онда» деганда исронинг бошланиши, Расулуллоҳ соллаллоҳу алайҳи васаллам уйғоқлик билан уйқу ўртасида бўлган пайтлари назарда тутилган. Исро сафарининг қолган асосий қисми эса, жумҳур уламолар таъкидлаганларидек, уйғоқликда бўлган.

Манба: hadis.islom.uz



